


BAKURUBASANNI

(nimero 12 songo)

Mali kono = Dōrōme 300

Afiriki kono = Dōrōme 600

Jamanaw were = Dōrōme 1000



Kunnafoniseben bota kalo o kalo. BP: 24 Telefoni : 21-21-04. Bozola Bamako-Mali. San 26nan boko 320nan A songo : dōrōme 15

Mali musow be k'u jeniyoro fin malosenen na

Segu ofisi dōnnen don cogo min maloseneko la Mali kono, a lakodōnnen don o cogo kelen na Afiriki tilebiyanfan jamanaw kono. Joyoro min be malo la malidenw ka baloko siratige la o te dōoninye. Fōlo, cew dōron de tun be jate malosenenlaw ye.

Nk'a kōlsira bi, ko muso caman be k'i nesin malosenen ma an ka jamanaw kono. Jatemine bōr'a kan san 1997-98 ciké waati la, ko Mali muso 240 nōgona ye malo turu falaw kono ka fara cew ta kan.

Nin malosenena kurawy'ukun bō an ka jamanaw kono a be sandamadōbo. San 1997, a jirala ko muso malosenena 100 / 0 / 100 cema, 69 ye cētigiy ye; 24 furusalen don; 6 ye musogananw ye; a tōw ye firiyatow ye (cēsabagatow). A kōlsira ko malosenena kura ninnu mana jo kēmē kulu o kēmē, muso 86 sigiyoro ye Segu Ofisi ye.

Muso ninnu ka forokene seneta hakew te kelen ye. Niforo be d'u ma, furuli ni musogananya ni denko bējate be minē fōlo ani sigiyoroko ni baaradako.

O de kōson, Segu Ofisi la, kēmē kulu kelen-kelen na, muso 24 ka foro seneta te taari kelen bō, 47 nōgona ta be taari kelen ni fila ce, 21 ta ka ca ni taari fila ye.

San 1997-98 kono, muso



malosenenaw ka forokene seneten benna taari 122 ni kōma, k'a sōrōmuso jekuluw ta ma temen taari 42 ni dōonin kan. O dogolen te mōgosi la, ko forobaara kelen si te taa musow kō an fe yan Mali la kabini lawale la : k'a damine bulukuli la ka se kōrshiyenni ni sumangosi ni sumanfiye ni sumanyelema ma.

Nka o n'a taa bē, cew hakili te to musow la sannifeere waati.

A jirala ko muso malosenenaw ka sōro te cew ta bō, bawo u ka taari kelen sōro

be se malo toni 4 fo, 8 ma. Ofisi muso malosenenaw man ca, nka feere caman be ka siri musow bolo donni na forobaaraw la, i n'a fo : nakōsenen ni dibōni baganmara lawereli malosenen kerefe.

Muso ka ciwaraya gelyaw ka ca k'o sababu ke laadalako caman ye minnu b'a balik'a ke dugukolotigi ye. A ka c'a la, an

bara yan, dugukolo nafantan de be di muso ma k'a sene.

An balimamusow sendonna malosenen na cogo min na dōonindōonin, u ka kan ka ye suman tōw seneni na jamanaw seleke naani bēe la, i n'a fo : no ni kaba ni ncogon ni da ni kōri. O sira dōron de be se ka na n'an ka togodala musow yiriwali ye.

**Moriba Kulubali
Basiriki TURE**

KONKO

An ka kan ka min dōn komini kan

ne 2 --

Moti lajekelaw y'u sinsin dugukoloko fitinew kan

ne 4

Yelimane bēna bō kelennnasigi la

ne 5

Denke wali denmuso sōrcoco

ne 8

Mali sōmōno minnu genna ka bō Kodiwari jamanaw kono

ne 10

Kodimi

ne 10

Burukina Faso ye Kodiwari wele «bōgōjeninen» kan

ne 11

Faransi yērewolodenya sēben bēna di dunanw denw ma.

ne 11

Farikolonēnajelaw sara

ne 12

An ka kan ka min don komini kan

Komini ye mun ye ?

Kominiye marabolo kura de ye Mali Forobafanga kono. A ntuloma ye fasodennw musoman n'u cemanka lafiya n'u sendonni ye u ka sigidaw kojew bée jenaboli la.

Seko damajira jumennw bë komini bolo ?

Komini ni jamana fangasoba bë fangabolo dōw tila-tila u ni njogonce. Komini yiriwali b'a yere bolo. O siratige la, jamana fangasoba bë yamaruya d'a ma, a k'a ka sigida mogow ka soroço ni hadamadenya walew bée jenaboi sanko dennmisew ka ladamuniko n'u ka kalanko, ka fara balikukalanko ni keneya sabatili walew ni musojiginyorow ni forobasow ni sigiyorow ladonni n'u lakanani kan.

Komini labennen don cogo di ?

Komini kalifalen don jekulu sugandilen do ma, méri n'a kankorosigiw bë ta minnu cema k'a ke komini biro ye. Komini baaradaw bée b'o biro ka jemogoya kono. Sekeretariya zeneralimogowbeméri deme komini kow jenaboli la ani meriso baaraw, ka fara nafolokow kan ani yorow saniyalin'u ladonni ni beseya wale werew fo ka se komini sigidaba bée ka jetaa ni yiriwalikow bée ma. Komini jekulu kerenerennen b'a ka baara ke ni komini sigidenw ka dannaya n'u ka ben ye. O dannaya minen fali siratige la, ni sigidenw ka kalifa mineniye nibarika ye, komini jekulu sugandilen man kan ka komini wale foyi jenaboi komini sigidenw jine ma. Sigidenw ka kan ka ye u ka ketaw bée ju la.

Fangaso joyoro ye jumenn ye ?

Mara seginni komini sigidenw ma, o koro te ko jamana fangasoba joyoro bëna nagasi. A kun ye yelema nafamaw donni ye jamana joli

kewalew bée la, ka bée joyoro dantige o siratige la. Fangasoba joyoro kuraw bëna ke kominiw kolosili n'u demeni y'u ka baaraw tiimeli konuman na. O segesegeli ye kofeko ye, n'a bora fenw la minnu jësinnen don jamanadenw bée ka nafa ma. Fangasoba joyoro dōfana ye jamanadenw bée dorogoli ye njogon na n'u demeni y'u hakilina numanw boli l'u sira fe ani jamana sigiyorown'a kungown'ajiw lakanani, soro yiriwali n'a labugunni sira kan ani ka sariyaw ta o walew bée sabatili la. Nin wale kelen-kelen si tiimeli te taa yelema dönsen kura tali ko Mali fangasoba fe.

Nafasorda jumennw bë komini bolo?

Komini ka nafoloko an'a ka sorođaw n'a ka sorominenw n'a baarakelakow bée b'a yere bolo. Gerente foyi t'a kan olu jenaboli la. O waleyali kadara kono, jamana fangasoba b'a deme ni nafolo ni nisongo dōw ye ani baarakeminew ni baarakela faamuyalenw. Komini sigidenw magonefénw bée soroli b'a yere bolo, a ka kan ka minnu feerew boloda folo, ani k'u waleyali walasa ka bée jigi fa, ka bée nisondiya, ka daamu di komini sigidenw bée ma. Donda were man kan ka ye komini soro la n'a yere konona te, a sigidenw fanfe, oluminnu y'a wari bobagaw ye. Olu de fana ka kan ka k'a töng dunbagaw n'a labaarabagaw ye.

Jon bë baara ke komini kono ?

Komini yiriwali sennejiri ye hadamaden baarakelaw ye. Olu de ka faamuyali ni donniya sababu la, komini jekulu n'a baaradaw bée be sinsin ka t'a fe. Obaarakelaw ye jönw ye ? Komini kojenabolaw, a mogow sugandilenw, jamana fangasoba ka baarakela faamuyalen minnu b'u kerefe ani waati-ni-waati baarakela dōw. Kenyereyew ni ciyakédaw ni jekulu werew b'olu deme sigida ka

nafasoro sira kan. Nin baarakelaw bée ka ketaw jenaboli n'u lanagali be komini méri bolo.

Cine jumen bë komini bolo ?

Foroba dugukolo ni foroba minenw ni kenyere fen dōw ye komini cine ye. Komini kono mogow kelen si te se ka foroba fen k'i ta ye walima k'a bosi jama la. Oforoba fenw ye bajiw ni kɔjiw ni dalaw, n'u njogonnaw ye, ani komini ni jamana fangasoba ka so jolenw komini sigidenw ka nafa kɔson, i n'a fo dəgətərəsow ni lakolisow, anisekonidənko fənkərəw n'u marayorow. Komini ka kan k'a wasa don a ka foroba dugukolow kow jenabolin'ulabennin'ulakanani baaraw la. Kenyereye cine minnu ye komini ta ye, o ye dugukolow ni magonefén werew ye, minnu dir'a ma walima ka yelema a ka bolo kan sigiyorow mogow ka nafa kama. Komini b'a ka kenyereye cine labaara a yere sago la.

Komini b'a ka yiriwali feere boloda cogo di ?

Komini yiriwali an'a ka jetaa, n'o y'a ka soro ni hadamadenya walew ni dənko ni seko taw labugunni ye, o bée jenaboli b'a yere de bolo. O y'a kelen kunko ye. O yiriwali n'o jetaa te se ka jiidi, ka jəsoro, ka bée lajelen nafa, fo komini ka feerew siri u waleyali konuman na. Kuntilenna ni jinita minnu be jutige komini fe, feere o feere wajibiyalen don o tiimeli la, o bée jenaboli komini fe. Nka o feerew be dantige bëkan senfe, min be basigi komini foroba baarakelaw ni kenyereyew fe. A nininen don komini fe, a ka feere bolodatarenw ka tali ke jamana ka yiriwali feereba sirilenw na, bawo jamana sigidaw ka soro ka kan ka njogon dafa jamanadenw bée ka hëre soro si ratige la.

Feere bolodata ninnu man kan ka

ke dōwərə ye komini sigidenw haminankow n'u hajuw ko.

Cesira jumēnw bē komini n'a baarakēnōgonw cēforoba kunda ani kenyēreye kunda ?

Komini t'a danmafēn ye min bilalen don a yēre ma. A bē se ka wele bila bēs ma jamana kōnō a ka ciw keli la. A baarakēnōgon fōlō ye jamana fangasoba ye min b'a ka kētaw bēs kolosi, k'a laadi ani k'a dēmē a ka walew bēs la. Komini bolo mōgōn bōlen don kenyēreye ciyakēlaw nōfē, a tē se ka taa minnu kō nisōngōkōw ni baarako siratige la. Komini bē se k'a yēre di komini wērew ma jekabaara kadara kōnō ani kafojōgonya ni filanin walew la. Komini baarakēnōgon wērew ye yiriwali dēmēkējekuluw n'u nōgōnnaw ye. Nin bēs b'a jir'an na ko komini tē «gon-kelennabila» ye min t'a ye yēresagokē dōron ye. Komini nēmōgōw bē sugandi cogo di?

Kalafili de bē ke komini nēmōgōw kan, k'u sugandi. O hukumu kōnō baara dōw bē kalifa u la waati kuntaala dantigelen kōnō mōgōw fē, minnuy'uka dannaya d'ukan kalafili senfē. Fanga min b'u bolo, o fanga kelen de b'u wajibya u k'u ka kētaw bēs kōmasegin jatebō u sigibagaw ye.

O yōrō la, u sirilen tē fangasoba la min yōrō ka jan u la, i ko jēgejalāni baji, nka u sigiñōgon minnu b'u kērefē, n'oluy'u sugandi uka baaraw kama, u n'olu de ye nōgōn gese ni nōgōn fale ye. Komini sigiden musoman ni cēman minnu si mana san 18 sōrō, olu bēs ye kalatalaw ye sugandili senfē. N'u si ye san 21 sōrō, u bē se k'u tōgo sēben mōgō suganditaw fē. Nin bēs ye demokarasi fanga lawērelī sira dō ye komini kōnō.

Musow jōyōrō bē se ka ke mun ye

Kominiw kōnō ?

Kominiw taarikila, jōyōrōba bē musow bolo komini sigili n'a yiriwali la. An balimamuso minnu ka ca ni cēw ye, olu bē jate kalatabagaw fē, temen tē se ka ke minnu kan abada. Musow haminankow tē se ka ke bolokēfēn w ye komini kōnō, bawo mōgōsugandita nēnamaw don. Komini kow bēs doni bē musow kun. N'an y'a laje an ka

jeniyōrō finniko la.

Mara seginni duguw sigibagaw yēre ma, o bēna dan komini hake dōron ma wa ?

Mara seginni dugumōgōw yēre ma, u k'u kunko gelēnw bēs nēnabō u yēre ye, komini y'o soden tufa fōlōde ye, an'a subasiman.

Sariya ye dakun wērew boloda o forobayalin'olawērelī la, n'o dakunw

Mali komini kura 682 nēmōgōw sugandili bilala san 1999, awirilikalo tile 13 la.



Mali minisirijekulu ye tonsigibalaen dōkē san 1998, utikalotile 29 Kuluba peresidan Alifa Umaru KONARE ka nēmōgoya kōnō.

Jamana marakow ni lakananikow minisiriso tōgo la, Mali minisirijekulu jenna ni. Sariya ye min bē talikē san 1998 wotetogosēbenw lakurayalikan k'a damincé okutoburukalo tile fōlō la ka t'a bila desanburukalo tile 31 na. O siratige la, tonsigilaw benn'a kan

togodaw la, kabini lawale, musow bē sōrō ni hadamadenya walew bēs cēmance la. O de kōson forobafanga tē se ka lawēre, ka basigi u ko.

An ka kominiw kōnō, musow ka kan ka ye yiriwali ni nētaa feerew bēs tigeli n'u waleyali kēnēw kan. U jōyōrō sinsinniko la, komini baaraw la, kunnafoi jōnjōnw ka kan ka d'u ma u

ka wotekow nēnabōli di fangasoma, minkajekulu kērenkerennenw mōgōw ye pariti politikiw ka ciden yamaruyalienw ye.

Sariya ye min bē dansigi Mali wotekow laben jekuluba ka baara la, n'o bē wele ko "SENI" san

1998, setanburukalo tile 21. U y'a jira ko "SENI" mōgōw de bolo bē bo baara la, nka "SENI" yēre tē ci. Yelema de bē se ka don a kōnōkōw n'a ka ninitaw la ni jama ka jēn ye. Sariya ye min bē tali ke kominiw woteko nēnabōli jekulu weleli kan, walasa u k'u ka baara damine min nēsinnen don Mali komini kura 682 nēmōgōw sugandili ma san 1999, awirilikalo tile 18.

Basiriki TURE

ye sērikiliw ni maraw ye, n'an k'o ma ko erezōnw. Ni kominiw sigira senkan se bē k'olu ma.

Marasegin tē yelemalī gansan ye, fēn don min tē ban, n'a bē walawanwalan ka t'a fē, fasodenw ka bōnōgōla ni hēre ni lafiya basigili la an'u ka sinijēsigi nōgōyali u bolo.

Basiriki TURE

Moti lajekelaw y'u sinsin dugukoloko fitinew kan

Mali dɔ̄nkili da kono do, n'o ye Ali FARICA TURE ye, o ye fuladɔ̄nkili dumann do da, min koro ka dun kosebe, bawo «dɔ̄nkili man di, a koro de ka di».


Nafunke dugu funankenin dun be mun fo a ka dɔ̄nkili in kono : Ali Farika ko : an be don min na i ko bi, nafolo ye nkalon deme ka tijé ka jo bosi a la, k'a k'a yere ta ye. An be don min na, i ko bi, faantjanjo te kellela. Set'a ye; dabali t'a ye. Bee b'a dɔ̄n ko dɔ̄nkili in kera sababu ye ka lamérikenw ka kunkorota ni kunnawolofenba di Ali Farika TURE ma.

Dijé seleke naani bee la, tijé be faamaw ni baanaw ni musocenumanw de bolo. Olu de ta ye dijé ye bi. U ka nkalon b'an ka tijé bin. Dijé kono bi, surfenminne ker'a danma sariya ye, sariya lakika kerefe, fo k'a bo surfenya la, k'a ke tilerofen ye.

Dugukoloko filine o fitine be Mali la bi, o tasuma dadonbagaw ye yurugu-yurugu mogow ye. O misali be se ka ta Moti mara kan, yoro min na, an balima togodalamogow be nogon na, su ni tile, foro danceko ni baganw ka dumuniyoro ko la, ka fara jiboyorow ni kow ni babolow tigiyako kan.

Duw, kinw, kabilaw ni dugu caman be fo nogon ko, fo ka n'a laban ke tijeni bogobogo y'u ni nogon ce. Furuw besa; siginogonya be nagasi. Sit'a fe k'iñeda sikan. Akélé caman banni fo bōwēre.

N'an y'a laje ji ñemajolen na, nin wale ye fen ye, min ka jugu jamana ma, bawo a be netaa ke kota ye. N'i y'a ye ko jamana be yiriwa; n'i y'a men koka jamana ka sorobé sabati, o y'a soroben de be jamanadenw ni nogon ce. N'o te, bamananw b'a fo ko : «bolonkonin kelen te bele ta». Ni kelenya ma fen min je, a t'o tijé; ni jekafe ye daamu ye, jekake, ben ni kotoñogontala kono, onogon te. O be laban ni min ye, o ye ko : «Kono kulu de be biiii fo».



Jamana ñemogow jorelen don cogo min na, dugukoloko fitine na, o de koso Mali fangaso ye laje do ke san 1998, setanburukalo la, Moti, min senfe a ninina jamana kiiritigelaw ni sariyatigw bee fe, u k'u hakilijagabo feerew kan, minnu be seka ke sababu ye ka dansigi dugukoloko kelle la. A klosira ko kiiritigeso yere be mogow bila fili la tuma dow dugukoloko kelle ñenaboli la.

U ka jaabiwtilennen te tuma bee. U ka ninita dow fana waleya ka geten a siratige la. Politiki mogow dow fana ka togoniniya baara be dugukoloko kelle to don nogon na ka t'a fe, sanko sugandili kelle ma diya politiki mogow min na. A ka c'a la, olu b'u sen n'u bolo don ka kiiritigeso bali a ka baara la. O temennen ko, fangaso fana te foyi ke tuma dow ka kiiritigeso deme dugukoloko fognogonkow ñenaboli la. Nin wale kelen-kelen bee de be dugukoloko kelle ke fen ye Mali la, min ban ka gelen.

“Tonsigilaw yere ye nogon jalaki kosebe Moti kunben kene kan. Dow ko kiiritigelaw ye surfenminenaw ye; dow y'a jira ko fangaso ka ñenawoloma ka bon dugukoloko la; dow ko jamanadenw ye banbagaciw ye, minnu t'a fe ka sariya labato; dow ko dugukoloko sariyasabenw si te da la bilen, k'u ka kan ka lakuraya.

A jirala ko dugukolo nafama dogoyali de nana ni togodalamogow ka fognogonko lawereli ye.

O be se ka faamu, bawo jama cayara wa dugukolo nafaw be ka nagasi ka

t'a fe. O de koso, cikela fara baganmarala kan, min mana yoronin min soró a magorenan kama, o te bo yen f'a dajoli-ma.

Tonsigilaw ka koso bora fen were kan n'o ye dugukoloko ñenaboli ye sigiyorow laadala

sariya la. O te fen sinsinnen ye, k'a masoro o ni kiiritigeso sariyaw te nogon ta tuma bee. Tuma dow u te kan kelen fo. Wa kiiritigeso ka dugukoloko sariya kono kow fana jelen te a ne bee ma.

Nagami b'a dakun dow la. A jirala ko Mali yoro dow la, dugukolo seben ñenabobaliwtonnen don nogon kan; fo min be far'a kan, n'o te fen te bo a la, barisa korelen si ma ñenabo halibi. Kolosili la, ni kiiritigela ye dunanye, a sigiyorola, a ka baara te se ka nogoy'a bolo dugukoloko fognogonkow labenni na.

Ben ker'a kan Moti laje senfe, ko ka jekulu kerenkerennen sigi senkan, min ben'a ñesin dugukolosebenw labenni ma kura ye, walasa an balima seneklaw ni baganmaralaw ka se ka lafiya sorowatikuntaalajan kono.

Tonsigi in ñemogoya tun be Mali kiiritigekow minisiri Amidu JABATE bolo, min y'a jira ko kiiritigelaw ka baara be nogoy'u bolo cogo min na, o ye ka sariya matarafali fisaya ni wariko nata ye.

Dugukoloko fitine ka ca yoro minna kosebe, Moti lajekelaw y'a nin K'o yorowlaadaw kunkun n'u ñenjen ka tomo, ka do fara kiiritigelaw ka dönniya kan, ka sariyasabenw bee bayelema an wolokanw na, walasa bee k'i-ta-n'i -bila dɔ̄n dugukoloko la.

A. LAM
Basiriki TURE

Yelimane bëna bo kelenñasigi la

Kayi mara kono, Yelimane lasoro ka gëlen kojugu k'a sababu ke sirantanya ye. Sirantanya kelen don ka Yelimane tige k'a bo Mali mara folo faaba la, n'o ye Kayi ye. Yelimane ni Kayi dugu ce ye kilo 150 ye, nka n'i y'i bil'a kan don o don, i b'a don ko «Ala ye kami negeñ». A jirala jatemeñ senfe ko Yelimane soro ko ntuloma y'a wolodenye, minnu sigilen betunga fe, n'u be taakasegin na. A dogolen te mögosi la ko Yelimane mögow ka ca ni Kayi mara sigiyoro tow be se ye. O de kosoñ a sira dilanni wajibiyara, walasa Yelimane ka netaa be se ka sabati cogo min na.

Yelimane sira dilanni layidu tara faransijamana goferenaman kuntigi Lewoneli JOSIPEN fe, a ka taama senfe, a ye min ke an ka jamana kono san 1997 desanburukalo la. O be se ka faamu, bawo Mali tungarake fanba sanko Kayi taw sigilen don Faransi dugukolo kan. Bolodinogonma wale caman b'ann Faransi ce o kadara kono.

San 1998, setanburukalo tile 3, yiriwali jekulu min be Faransi, o ka cidenw ni Mali goferenaman y'u bolono bila bënkansében do la, min nesinnen don Yelimane ni Kayi ce sira dilanni ma, n'o nafolo kasabi be t'i jo sefawari miliyari 8 na.

Siraba in bëna dilan ni bogobilen ye k'a kono fere fo ka se metere 8 ma. Yelimane sira bëna sama k'a lase. Salebedini Alayini ni Jabugu duguw ma. Jiboli dingew bëna sen a kerefe ka n'a baara to laban ni Yelimane pon labenniye. Balandow fana bëna wuli Magidebe kan, minnu kundama bëna metere 2 soro, k'u janya ke kilometere 3 nognon ye.

A jirala ko Yelimane siraba baara bëna damine san 1998, nowanburukalo. A kuntaala ye kalo 20 ye.

Faransi lasigiden Gabiriyeli Belesize y'a ka nisondiya jira kene in kan, a ka jamana niyoro laseliko la Mali mara folo mögow ka netaa ni yiriwa sira jeli la.

Minisiri Yoro JAKITE, n'o tun be ka Mali goferenaman joyorofa bolonobilä kene kan, o ye Faransi fo k'a walenumandon a ni Mali ka bolodinogonma walew sinsinni na, wale minnu te biko ye.

Suleyimani DUNBIYA
Basiriki TURE

Bandiw binna kare fila kan Segu ni Nono ce

San 1998, setanburukalo tile 2 su, bandi 7 binna kare 2 kan Segu ni Nono ce. U ye kare ninnu kono mögow bagabaga ni farafin marifaw ye k'u bolofenw be se bës'la. A jirala ko sefawari miliyon 5 tun be pasase do kun, u ye nijuguya walew ke min na, k'a ka nafolo bësi a la.

Taamashiyen min dira binkannikelaw kan, o te doweré ye k'u ka kuntigi tun be ka bamanankan ceni fo, k'a soro u tow tun be ka baro ke burudamekan na.

«AMAP» ka ciden min be Nono, o y'an ladonniya ko nin y'a sine saba ye binnkanni be ke nin sira kelen kan. Ni dan ma sigi binkanni na sira in kan, a taama bëna geleya mögow bolo, k'o sababu ke lakanabaliya ye.

Sheki U. JALO
Basiriki TURE

Sukala iziniw soro bëna lawere

San 1998, setanburukalo tile 8, Mali izinikow ni jagokow ni bololabaarakow minisiri Madamu SISE Fatu AYIDARA taar'a nedea Dugabugu ni Seribala sukoro iziniw kan, Nono kubeda la.

Minisiri ni Segu mara goferenneri ye Seribala sukordilan mansinw bee laje, minnu bëna ladilan sanni okutoburukalo ce, n'o be bë timikalawtige waatima k'uke sukoro ye. A jirala ko san kono, Siribala ni Dugabugu izini fila ka sukaro bota hake ye toni 30.000 ye ani alikoli litiri 12.000 fo ka se 15.000 ma.

Hakilijigin sira kan, an b'aw ladonniya ko Dugabugu ni Siribala izini fila be ciyakeda min ka bolo kan, o ye «SUKALA» ye, Mali ni Sinuwajamana jelen don min baara la. Minisiri Fatu AYIDARA ye SUKALA timikala forow fana yaala, minnu be mankala toni 320.000 di san o san. Taama in senfe, izini kofolen ninnu nemoğow y'a jira ko sukaro sanni be dogoya, k'a sanga bin waati döw la, k'o sababu bo a ne bilennenya la, min b'a mangoya a dunbagaw bolo.

Nka min ye alikoli ye, an ka dogoterosow ni izini döw ni kenyereyew ni Burukina ni Senegali ni Kodiwari jamana mago te ban o la. A jirala ko SUKALA iziniw bëna lakuraya Sinuwaw fe ni sefawari miliyari 5 kasabi ye.

Obena ke sababu ye ka Siribala izini ka sukaro bota hake lase toni 2000 ma tile kono, ka temen körölen kan ni toni 500 ye. U bëna feere jini fana sukaro jeliko la, walasa k'a dunbagaw nisondiya. Sinuwaw ka demeke nafolo in fan do bëna nesin baarakelaw labenni ma, walasa iziniw soro be se ka labugun cogo min na.

M. Kulubali
Basiriki Ture

Masina ma to ko balikukalan sanyelema seli la

Ke-Masina balikukalansow ka ciden yamaruyalen mögo 200 ye njogon soro balikukalan donba sanyelema seli kadara kono, kenyereye demekéjekulu «CARE-MALI» ka njemogoya kono.

A dogolen te mögosi la ko setanburukalo tile 8 ye don ye, dije balikukalandenw bëe ka kank'u hakilijagabo don min n'a koro kan, bawo kalanbaliya dibifaradon don, ka bo faantan jamanaw togodala mögöw ne, walasa u ka se ka nogoya ni ben ni lafiya soro u ka dinelatige walew la. Masina dugukono, balikukalan donba kene tundenbayalen don ni kubeda njemogö caman ye, i n'a fo : arondisman kuntigi ni musow ka jekulu njemogö ni kenyereye «CARE» kuntigi ni Masina kumandan.

Nin kelen-kelen bëe ye kuma ta, k'u nen don balikukalan nafaw ni njogon ce, hadamaden ni du ni dugu ni jamana ka yiriwali sira kan.

Kerenkerennnya la, u y'u sinsin musow joyoro kan balikukalan ka netaa la.

Halala

I ni mögöw be je dumuni na,
I ni mögöw be je fini na,
I ni mögöw be je wari la,
I ni mögöw be je dije fen bëe la,
Nka i ni mögöw te je halala la de ?
Halala ye mun ye ?
Su kuru dimi, i kelen.
Tile kuru dimi, i kelen.
Su ban numan, i kelen.
Tile ban numan, i kelen.
Mansa si te njunan i nofë.
Jenjogon si te njunan i nofë.
N fa, Ala k'i kisi halala ma.
N ba, Ala k'i kisi halala ma.
Mun be mögo kisi halala ma ?
Kalan de be mögo kisi, k'i tanga halala dòw ma.
Bawo, kenyä jujon ye saniya ye.
O si te se ka sabati fo an ka kalan,
Ka dögötöröw ka laadilikanw labato,
Ka mögököröbaw ka kumakan labato.
Janto yere la

Solomani KATILE
Darisalamu

Balikukalan

Bi ye bi ye, sini be Ala bolo, a te bolojugu kan.
Jonni tun b'a dòn ko bi be se ?
Ki ka kanw sëben, ani k'u kalan,
Ala ni balikukalan sababu !
E ! Balikukalan !
E de kera sababu ye ka kunfinya kele;
Ka yuruguyuruguw da tile la.
Balikukalan, i sababu numan !
N terike ni n terimuso, mun ye aw ban kalan ma ?
U b'i lagosi wa ? N terike,
I cew ka keleya de wa ? N terimuso
Jaga dusu te aw la.
Aw t'a njedon de wa ? Aw m'a njepini.
Aw y'a' timinandiya.
Walikan be mögo ne, nka yerekan njogon te.
Kalan nafa te ban.
Cejne be ban, farikolo ne be ban,
nafolo cejne be ban,
Nka kalan cejne, o te ban abada.
Wuli, césiri tuma sera.

Amadu Wedarawogo-Animateri
Kasojoma

A jirala ko bi, kalanso 38 jora Masina mara kono. Balikukalandenw hake sera 1669 ma. Gafemarayoro 37 labenna musow ye, cew ta ye 39 ye. «CARE-MALI» kenyereye jekulu y'a jira ko danfara fosi te tubabulakoli ni balikukalan ce, olu bolo. U bëe ka ninitaw ye kelen ye; u bëe kuntilennaw ye kelen ye; u bëe ka nafaw ye kelen ye. O de koso, olu ka feere bolodalenw sinsinbere ye togodalamögöw haminkojonjorw waleyaliye, minnu seka njenabon'u yere sen ma don u kunkowla. Osira dun be temen kalan de fe, denmisénw ka kalan ani mögököröbaw ka kalan.

O kalan de be sene ni baganmara ni nakobo ni kenyä sabatili walew ni jago misenninw ni lakanani ni bololabaaraw bëe yiriwa.

Masina y'a ka balikukalan seli kunce ni njenaje caman ye, minnu senfe mögo caman ye ladiyalifénw soro.

Amagireyi O. DOLO
Basiriki TURE

Faantanya

Faantanya, e bora min ?
Ne ni dije nana njogon fe.
Ne ma bange, wa ne te sa,
Ni dijenafen bëe ma sa.
E dun be balo cogo di ?
Ne be balo,
Ka yerenegennaw to dije na,
Ka sanuw, warijew to tulogelenw tulo la.
An'u kunkolo an'u bolo,
Ka soro
Den kongotow
Dalajelen be sokononaw na,
Ka koniyajugu to dije kono,
Ka fanga diyanyejugu to faama dusukun na.
Ne be balo,
Ka hadamadenw bëe bannen to u danbe la,
K'u ban u wolo la.
Ne te sa ni dijenafen bëe ma ban.

Dögötörö Fofana furumuso
Jenébu KONE

Senekel dugukolo ka ladon

A for'an ye mogokorobaw fe, ko «dijne sigira senekan, w'a be wuli senekan». Okuma ninkalon ce ka jan, k'o sababu ke ni todaga ma jigin daba fana te bila. O la daba be ta, ka min nini, n'o ye suman ye, o be bugun yoro min na, f'o ka ladon, k'o lakana. Sababu fen o fen, feere fen o fen, degun fen o fen be ke, o ka kan ka ke, walasa samiyé kana k'an bolo gansan ye.

N'an ye jatemin ke Segu mara la, dugukolo fanga be ka dogoya, suman sorota duguw kono, o te soro damakenelen ye. Okoro ye di, duguka dogo n'i ye min ta, n'i b'a soro cikela kemé o kemé, biduuru ka soro ye kelen ye taari kelen kono.

Misali la : Zananbugu senekelaw ka baara bolodalenw, k'u be toni 1 ke jola samiyé nata kono.

Samiye donna, baaraw kera, sumanw tigera, k'u gosi, jaabiwy'a jira ko kemé la, senekela 25 ye toni-soro, 25 y'a ta kilo 800 na ka na 750 la. 50 to be kilo 700 ni dugumala ce.

An yerew ka kuma do b'a fo ko «Mogo b'i naniya siri, a la tigebagye Ala ye».

N'i ye naniya siri, i ka waleyaw nesigi, minnu b'a dafa. Baara la, danfara fila be yen :

1 - Fen minnu be ke ni mogo se t'o la o ye :

- sanji
- fije
- nene
- funteni
- san pereen

O n'a nognna minnu be bo Ala yoro
2 - Fen minnu ni mogo b'o ke, n'a se b'o la, o ye :

- sumansi numan
- nognon
- dugukolo lasagon konuman
- forobaara keli a waati la ...

An ye mun kolosi, senekela be ka jaasi don o don.

A be dow yere kono, k'olu be foroba baara de ke, mint'u yerew ka baara ye. N'itaara yoro o yoro, cikelaw be kule ni

deme ye, minnu be tali ke : tubabu nogo, cike minenw ni wari mugu kan.

San 1970 fo bi, o kera cike baarada bolofaraw sigili ye, minnu nesinna jurudon ma, ani senek feerew nefoli.

Kunun a tun be fo cikelaw ye, aw y'a' ke tan, bi ta ye hakilifalen-falen de ye fo ketaw ka taa wale numan na.

O hukumu kono, an be nognon sirataama. Ne ka faamuyali la, cikela ka baara te faamubaliya bolo tugun. A be sentanya de bolo.

U be min nini sanga ni waati bee k'o ka d'u ma, n'o ma d'u ma, baara minnu ka kan ka ke, o te ke.

Segu mara be se k'a fo alihamudulahi cike baarada bolofaraw cayali la : «O.N - CMDT - ORS - PNVA - PFDVS - PDR ani keyereyew «ONG» caman».

Aaa ! Cikelaw k'a laje ten k'a fo do kera, nk'a bee ma ke, a to keli y'olu ye.

Kuma kelen b'u da la, n'o ye : k'a bee ye wari dun yoro de ye. O wari dun nana cike soro yen w'a be taa k'a to yen.

N'any'an hakilinaw munumunun, u fana k'u hakili to "BNDA" la, u k'o bu dun, u kana kolo susu.

Sabu, wari te nini, ka ke mogoson ye Mali kono bi.

Ni Madu y'a dun, a ka denbaya y'a dun, a terike y'a dun, a furu nognon y'a dun.

Ni Madu nomena sariya fe, n'a fora Madu Jara, a ko be ta poyi Taraweela du kono, ka taa Keyitala la, k'a sensen ka Jalola segere, ka se Kulubalila la, a be temen ten f'a be k'an bee no ye.

N'be min nini cikelaw fe, o ye fen damado ye, aw wosi be se ka min ke, n'o ma siri deme na :

- Nogodingesen
- Sumansi numan danni
- Foronogodon konuman
- Bagannadon konuman
- Bagandumuni senek
- Jirituru
- Jegemarayoro dilanni
- Dugukolonon keleli
- Burumunogo donnin

A bee te se ka fo k'a ban...
Baara fen o fen be f'aw ye cike baarada

mogow fe, aw k'o sifile, walasa a fijew ka sidon.

Kunceli la, n ka foli ni walenumandou be baaradaw ye, minnu sababu la, ne ye dönni soro, n'u dow te balo la, n'o ye «ODIK - ODIMO», OHVN, DRAMR (PNVA) Segu.

Foli kerénekrennen be se kibaru ma, a ka cesiri la cikelaw kunnafonini na.

Ala k'a balo, k'a yiriwa !

Ala k'an son hakilinuman caman na min be se ka jense kibaru kono.

Adama Danbele
"PNVA" lasigiden Marakala Segu

A ni foyi man kan

Dili kelen jiriba caman
jiriba kelen jiribolo caman
jiribolo kelen jiriden caman
sumankise kelen jigne caman
Cogo di ?

N'i kera karamogo ye karamogo y'i kalan !

i dogotoro, karamogo y'i kalan !
i folikela nana, i bora karamogo bolo !

i donsonmasa, karamogo y'i kalan !
i senekelawaraba, karamogo y'i kalan !

o tuma, foyi te karamogo bo !
Wa foyi ni karamogo man kan !
nka a ka gelon !

A te taa munu, sabali, segen ani baara dow dabilali ko.

Nin bee mununen ko,
soro banbali y'i ta ye :
soro, waso be se ka ke ni min ye,
n'o ye dönni ye.

O la, a ni foyi man kan !
A ni ce.

Yakuba Zale ka bo kononga Masina

Mali dugu dō ye Kanada dugu dō bolomafara kasaarako dō la

Djé duguw ka bolodinogonma siratige la, min nesinnen be hadamadenyakowni yiriwalikowani sekow ni dōnkow ma, filaninteriya donna Mali dugu dō ni Kanada dugu dō ce, kabini san 1984 la. Mali dugu tōgōye Sanankoroba, min ni Bamako ce ye kilometere 35 ye, n'a kōnomogow hake ye mogo 4000 ye. Filaninteriyako sabatili kama, Sanankorobakaw ye jekulu dō sigi senkan k'o tōgōda «Benkadi». A musakako kama, u ye seneffo do bin, k'o kene dantige dugu kerefela la. Seneffen minnu be sōr'o la, olu be feere k'a wari ke jekulu magow ye. U y'a jekulu bolofara sigi dugu 15 kōnō ka ban. A be senna dugu 12 wērew kōnō. Benkadi jekulu labencogo numan n'a ka baara kecogo numan kōson, a tōgo bōra, fo mogo dōw wulila ka bo Senegali, Lagine ani Burukina, ka n'a ladegeli kama. Kanada dugu tōgō ye Sentelizabéti (Sainte Elizabeth). O be Kanada fan min na, o tōgō ye Kebéki. Sentelizabéti dugu ni Montréal dugu ce ye kilometere 100 ye, n'o ye Kebéti faaba ye. A kōnomogow hake ye mogo 1.500 ye. Filaninteriyako sabatili kama, Sentelizabéti fana ye jekulu dō sigi senkan k'o tōgō da «sinijesigibolow». O jekulu fana ye seneffo dō dantige, min ye taari 3 ye, n'a seneffen sōrōlenw be feere ka Sanankorobakaw bolomadēme. O siratige la, Sanankorobakaw ye senekkemisiw ni senekedabaw ani nōsimasinw n'u nōgōnnaw sōrō. U ye sumankisew lamarayōrō dō, ani cikebaaraw kalanyōrō dō jo. O

musaka bennna sefa miliyon 2 ma. U jolen be n'u ka nōgōnsirataamaw bēs musakaw ye. Nka, fēn min kera wasako ye Sentelizabéti bolo, n'a diyara u ye, fo k'a damatēmen, o kera Sanankorobakaw ka bolomafarawari laseliy'uma, kasaara dōla, min binn'u kan san 1997 la. Okassara kera nesi, n'o ye gilasikuru dalen ye dugukolo kan, ani fīneba dō n'a jukōrō nēnē sumalenba, minnu ye tīnēni suguya bēs ke Kebéki jamana dugu bēs kōnō. Fīne ye kuraw potow bēs labin, ka kuranjuruw bēs tīgē. Nesi ye siraw bēs minē. Taayōrō te, nayōrō te. Mogo ye kalo kelen jalen ke, ka sōrō kurān te so kōnō, a te bōlōn kōnō, a te baarakēyōrō la, dugubaw ni cikēduguw kōnō. A nēsiko n'a fīneko barika n'a tīnēni bonyara cogo min na, a sēgen, a tooro n'a musaka bonyar'o cogo kelen na. A kogēleyara kojugu. A kera dusukasini majumako dan bēs ye. Sanankorobakaw y'a kasaarako men dōrōn, u hamina, u jōrēla, ka da jēnōgōnya gasikan. Yōrōkajān nōgōn na cogo o cogo, o te terimaw balika je hērē ani hērē tana la. O de kera bolomafara wari dikun ye. A bennna sefawari dōrōmē 8.000 de ma. O te wariba ye, nk'a dikun n'a dicogo de y'a ke wariba ye Sentelizabéti bolo. U ye Sanankorobakaw ka wale numan kelen fōko caman ke telewison ni arajo la, k'a bo kunnafonjēbēn w kōnō. Nin don kama, o wari de tun se be Sanankorobakaw ye. U y'a dōn ko wariko te Sentelizabéti kaw la. Nka, u y'a di nāniyajira de kōson, ka masor'a be fo ko mogo b'i teri n'i kanubaga dōn gelēya de kōnō. O misali ye kaari ye warikola. Ni mogo min bololawari man

ca, n'o kaarila ka do b'o wari la, k'o d'i ma, n'o tigi bololawari cayara don min na, a t'i je fosi la. O de kera Sanankorobakaw ta ye. Ube labenna cogo min na, walasa ka s'u yērē kōrō, k'o sababuke Sentelizabéti kaw ka dēmē ye, u bololawari bēna caya don dōla, fo ka fēn ke, min be mōgōw nēkōrōfa.

U ka bolomafaroko kēr'i n'a fo jurusara bisigi, ka d'a kan, sīne fila bēs, Sentelizabéti kaw y'u bolomafara sanjiko kasaara dōw la, minnu kera san 1995 ni 1997 kōnō. O san fila kōnō, sanjibaw n'u jukōrō fīnebaw dadigira Sanankorobakaw la kōsēbē. Fīnebaw taara ni tufaw ye, sanjiw ye sow bēs labin. O kōrō ye ko dan t'u ka filaninteriya la.

Johanne Lauzan
ani Amadadu GAJII Kante

Denke wali denmuso sōrōcogo

Lameriken nininikela dōw ye fērē sōrō denke walima denmuso sōrōcogo kan, la ka di mogo min ye. U y'a jira k'u ye fērē min sōrō nin ye, a jate ke ka gelen k'a je. Fen don, min be kolo kan.

Nininikela ninnu k'u ye denkise in sīfile denyerenin musomannin kise 14 la, minnu cela 13 bēs kera musomanninw ye, i n'a fo u y'a jatebō cogo min na, uka ke musow ye.

Walasa ka denke walima denmuso sōrō, lameriken ninnu be lawajikisew danfara fōlō, k'u cēya n'u musoya yōrō bo nōgōn na, o kō, k'o lamōn fo ka s'a bangeli ma.

J.Y.N.
Basiriki TURE

Kenya tigilamogow ye saniyakow sabatili fo k'a geloya

Dijé jamana hörönyalenw ka tónba min ye ONU» ye, o bolofara min ye «OMS» ye, n'o jésinnen bë keneyakow ma, o jemogójekulu ye dijé keneyatigilamogosugandilenw wele kunben dökene kan. Okunben tun labenna saniya nafaw dé kan, kamaso'r'akolosira konogóka tijenew bë ka juguya ka t'a fe. A kunben baaraw bannen kó, «OMS» jemogójekulu ye bilasiralisében dö jensen saniyako kan, yoro bëe la. O seben b'a nini dijé jamanawyiriwalifeerew bolodalilaw fe, foroba kunda, kenyeréye kunda, porozé kunda, wali jekulu kunda, u kana feére fosi bila tugun hadamadenw n'u sigiyorowsaniyalikow sabatilifeerew ne. O koro ye k'u ka jore damine saniyako de la, ka fólo k'o jenabó, ka d'a kan, ni saniya te yoro min na, keneyat'o yoro la, kuma te here ni lafiya ma. O de bëe na ni nogo keleli ye ka bë moggow senkoro. Nogo suguya kaca. Abëetë se ka dantige, ka ban. A fólo ye jinogólen ye. O ka jugu hadamadenw ni baganw ma cogo bëe la. Ale ye donkono yere de ye. Hali a te se ka safune kanga sanko ka finiwo, k'u je. Jisaniyalen sorolimusaka ka bon cogo o cogo, a ka fisá ni don o don waribó ye ka furawsan. O te kun waritigila, kuma te faantan ma. A laban na, wari bëe bëdonfura la, banabagatotékeneya. A bë sa tuma caman yere la. Fen minnu bë se ka tugu jinogólenko la, o ye jamanbonyoro suguya caman dagayoro de ye, minnu bë bana cejuguwbila hadamaden ni baganw na, n'u furakeli ka gelen kosebe. O b'i n'a fo : dimogow, sosow, ninew, totow, ntumu, ani saw n'u



Kenya sabatilan numan ye jisaniyalen ye

nogónnaw. Funteni ani kasa gelen minnu bë bëvörönogólen kofolen ninnuna, o bë kunkolodimi, wali mura ani dusunjugu bila mogocaman na, fo dòw bë foëno. O t'a bëe ye, ka masoro, ni wuluwulu, wali jégen te labo tuma bëe, u kónofénw laban bë ke sége ye. O sége bë bogoso kogo jimi dòonindòoninfok'akari, walik'a cun. Acaman laban bë bin. O ladilanni fana ye wariboko ye. O de bëna ni wuluwuluw ani jégenw dilanniko numan ye, k'u kónonaw baara ni fara ani simon ye. Nin ladilanni baara minnu te kóti dësébagato jamanaw kono, u jenabolen don setigi jamanaw kono ka ban, k'o sababuké sown'u jégenw joliko numan ye, ani jibolisiraw. dilancogo numan.

O temennén kó, taayoro ni lajéreyoro ani dondalacogo bë olu ka jégenkónofénw na. U b'olu baara, k'a ke nogo ye forow kono. A jirala ko warintanya koso, sanni san 2000 ka se, faantanjamanaw kónomogó minnu te se ka bo nogo ni ségen n'a tóro la cogo si la, o bë se mogó miliyari saba ni miliyon keme saba ma

(3.300.000.000). A kéra cogo o cogo, nogo ye bana ye yoro bëe la, dijé kono. A ka jugu yoro do de la ni yoro do ye, k'o sababu ke hadamadenw ja to cogo numan ye, u yerew an'u ka baganw na, fo ka se u

sigiyorow'ulaminiw, an'uka kungow ma. N'o jantonyerelakow se té mögo minnu ani jamana minnu ye, olu ka fasobaara bë ke banafuraké ye. Nogo ye bana minnu sababuye, o de ka ca n'a bëe ye. A dòw ye kónoboli, tögötögönin, kunfilatu, binédimi, fogonfogondimi, marabana ani senfagabana ye.

Obana dòw fana ka mogofagataw ka ca n'a bëe ye. Misaliko la, kónoboli ni tögötögönin ani kunfilatu bë mögo miliyon fila ani waa keme duuru de faga sanosan, dijé kono (2.500.000). Nin bana kofolenw furakeliwari cayaliko kuma foli ye dalamaga gansan de ye. Soro té laboli ke ka koro, n'a fóra ka furasongo b'o la, a té te balo bë, kuma te fen wëre ma. O de b'a jira ko bololankolonya de bë ka mone don dësébagato jamana n'u kónomogow la saniyako siratige la. «OMS» ye kókandémeko de dajira dijé dëmëjekuluw la, walasa faantanjamanaw ka bë nogo la, ka saniya.

A bora «OMS» kunnafonisében kono Bayélémalikela Amadu GANI Kante.

Kele bëe bëe ban fō yeko kele



Malisomono minnutun sigilen bë Ayame kubeda la, Kodiwari jamana kono, nin y'a san 30 njogonna ye, Kodiwari goferenaman y'olu mögo 1100 gen ka b'u ka jamana kan.

Genni in ju bora balawu de la, min wulila Kodiwari siya do, n'o ye Aji ye, olu ni an balima somonow ni njogon ce. Aji ninnu taara tasuma don somonow ka sow la, san 1998, zuluyekalo tile 23. Fangaso filay sigikakuma ke min y'an bëe nimisi wasa. Odon Maliperesidan Alifa Umaru KONARE ni Kodiwari lakanani minisiri Mariseli Dibonan KONE ye njogon kumajogonya Kuluba. A jirala ko somono gennen ninnu fanba be bo Tumutu ni Gavo ni Bamako ni Segu maraw kono. Somono ninnu n'u jatigi Kodiwarikaw ye njogon soro cogo di? Mögo nininkalenw ye fen caman fo o kun kan. Nka u tun sigilen te n'a ye k'u ye san 30 njogonna ke ka jegew ni jikono fen werew di Aji minnu ma, k'olu ben'u wulukolon gen.

N'a lajera ji nemajolen na, sariya do de kera takurunna ye somonow n'u jatigi aniwcé. Kodiwariy'o sariyatka bamon dabila, Biya dëbe la kalo saba kuntaala kono, walasa jegew ni jikonofenjenama tow be se ka labugun cogo min na. O sariya labatoli koloisibagaw kera Mali somono 4 ni aji funankénin 10 ye.

Malidenw ka seereya la, anka somonow ye bamon dabila waati kofolen in kono. Nka o n'a taa bëe, ajiw be taa don u

kan ni marifaw ni besew ye, su ni tile, k'u sisow bëe tur'a kun kan, K'a w o l o m a . Dabalibanyoro bëna ke min ye, aji minnun bë Mali somonow nöf, olu yere de minena bamon na malidenw fe, ka taa n'u ye sandaramaso la.

O ma kun ajiw fe. U kamalennin 60 ye njogon dalaje ka taa Mali somonow ka daga 20 njogon jenisan 1998, zuluyekalo tile 23 ni utikalo tile 3. Santaramaw ye mögo segin mince u la, marifaw ni maramafen werew tun be minnu bolo. Somonow y'u senfa ka t'u nemadogo Abijan dugu kono, n'o ye Kodiwari faaba ye. Yenkawy'u deme nifuraw ni sisow ni birifiniw ye. Abijan alimamiba Idirisa KODUSU ni kodiwari ni Mali silame minnu bë Abijan, olu ye Ayame kasaaratow bolomaderme ni donfini töni 10 ye ani malokise töni 10 ka fara samaraw kan ani sefawari miliyon 3 ni 20.000.

Dususuma min be nin ko la, o y'a ye ko Mali ni Kodiwari si te se ka jalaki bin an balima somonow kan wale in na, bawo mögo dogolenw tun te Kodiwari. U kelen-kelen bëe y'u ka bugunnatigesben jira niwasa ni kunkorota ye. Utun be Kodiwari saalenw ni wusuru tow bëe lajelen sara fangaso ye. San o san ni bamon banna u be sefawari 600 sara.

U tun b'o kasabi fana sara sumanw sannifeerewaati. Utun be sefawari 3000 sara san o san, walasa ka bamon yamaruyasëben soro. Kura min dar'o kan, o ma meen, o tun ye waatilatemenseben ye, u tun be döröme 3000 sara min kunkoro. Nka o si ma to, Ajiw k'u to yen. Ko kele bëe be bañ fo yeko kele.

B. JARA Basiriki TURE

Kenyaya: Kodimi

Kodimi ye bana ye, min be sanga la bi kosebe, dije fan tan ni naani bëe la.

Denmisénw fara mögököröbaw kan farikolonenajelaw fara mögolafiyanw kan, bololabaa raw law fara biro baarakelaw kan, ninnu bëe be ka kule n'u kow ye.

An ko be bala k'an dimi cogo minna, n'an ye furakisë damado dörönta, a dimi be bala ka tunun ten. An hakili la k'o y'a bannen ye pewu, nka n'an kona jaka kira hali döönin, o yedaga wulilenye, k'a sorosonkala ma ye. An ka kodimi be se ka wuli sije kelen fo sije saba san kono.

Kodimi döw b'an bila dali kuntaalajan na, barisa an te se ka jo, an te se ka sigi o waati.

A b'in'a fo donigirin kilo 25 b'an ko kolow kan an dalen, k'a soro o girinya be taakilo 150 la, n'any'an sigi.

Kodimi damine na, an be se ka furakisë ta, an delilen be minnu na. Nka n'a dimi te mada, an ka se joona dogotoro ma, min be se ka fasamagayalan do d'an ma, min b'an lafiya. Dogotoro de be se k'an deme fana k'a dimi yoro dö, min ju dan te kofasaw ye. Tuma döw la, bana werew be se ka kodimi bil'an na. Nka dogotoro dörönta de be se ka kodimi suguya dö an aji k'a furake. N'an b'a fe k'an yere tanga kodimi ma, an b'an sidilanw ni kunkorödönnaw woloma. An kan'an yere lasama kojugü. An kan'an biri, k'a soro an m'an senw kuru. Sigili kojugu fana be kodimi bila mögo la.

Farikolonenaje döw b'an ko lafiya, i n'a fo : jilanönni an ko kan, negesoboli ani taama. Tenisi n'a njogonna minnu b'an bila biriliba la, olu man ni ko ma.

«MFI»
Basiriki TURE

Burukina Faso ye Kodiwari wele «bogojeninen» kan

Kodiwari keli ka dunanw ka waatilatemenseben songo yelen, o wale ma diya Burukinakaw ye, bawo ubalima miliyon 3, nogonna desiglen don Kodiwari dugukolo kan. Olu dun sera yen cogo di ?

Ajirala ko kabini Faransi ka mara waati Afiriki tilebinyafan jamanaw kono, burukinaka caman tara baaradenya la, ka taa seni yiriwa Kodiwari jamana kono. U caman taara baara ke kafe ni kakawo ni namasa forow la. U daw tun be negesirawdilannina aniforoba baara werew.

O sababu la, Kodiwari peresidan Fofoyi BUWALI tun ye layidu ta, k'a bera Kodiwari yerewoloyasaben di burukinakaw ma ka far'u ka jamana ta kan. O wale tun ben'u ke burukinakawni kodiwarikaw ye. Nka kodiwarikaw ma son petu, Fofoyi ka ka burukinakaw k'u dawye. Uy'a jira ko «jirikurun meen o meen ji la, a te se ka ke bama ye».

O hakilina kelen de ye kodiwarikaw bila bi jenawoloma la dugulenw ni signefew ni jocou ce. U ka fangaso ye fen caman tigiya di Kodiwari yerewoledenw doron ma, i n'a fo dugukolo ni baarada kerenerennen daw nogaoya.

Otemennenko, dansigira dunanw donni na u bara.

Burukina Faso jemgou ka jate la, waatilatemensebenko man kan ka wajibya Kodiwari kono, jamanaw kan, minnu n'a jelen don Afiriki tilebinyafan jamanaw ka soro'ko ni wariko tonba la, n'o be wele ko : «UEMOA», bawo o jekulu in sariya dakundokono, ajiralen don ko soro'ko ni wariko ton in jamanaw denw n'u bolofew bee be se ka yaala an'u k'u sigi jekulu in tonden jamana kelen-kelen bee kono, k'a sene gerente foyi ma sir'u la. Lafiya min b'u kan u faso la, o lafiya kelen ka kan ka k'u kan.

«UEMOA» jamanaw bee konc.

O de koso, Burukina Faso ministri Madamu Wihiyani Konpawore, min ka baara jesinnen don dorogo nogonna ma, o y'a nini «UEMOA» kiiritigeso fe, a k'a laje ni Kodiwari ka

waatilatemensebenko bennen don sariya la u ka ton konjamanaw fanfe.

«UEMOA» kiiritigeso k'a bera Kodiwari jamana ka nin wale in jaratige a ka laje nata senfe

Basiriki TURE

Faransi yerewoledenyasaben bera di dunanw denw ma.

San 1998, setanburukalo tile 15, Faransi bera sariya do waleya, a ye min ta san 1998, marisikalo tile 16, ka jesin dunanw ma, minnu b'a fe ka jate Faransi yerewoledenw fe, ni nasonalite tali y'u fe.


Sariya in y'a jira ko den o den mana wolo Faransi dugukolo kan, ka lamo yen fo ka se san 11 wali san 18 nogonna ma, Faransi yerewoledenyasaben be d'o ma. Den yere be se k'o nini n'a si kasabi ye san 16 soro. Nka n'a si be san 13 la, a bangebagaw be se k'a nini n'a ye n'a ka jen ye.

Nka a mana k'a ninicogo fila fen o fen ye, fo den ka san duuru sigi ke ka da jocou kan Faransi dugukolo kan, sanni yerewoledenyasaben nini waati ce. O temennen ko, mogo yeleke den min wolola Faransi dugukolo kan, sann'o si ka se san 13 ma, o ka kan ka seben do nini min b'a sementiya k'a wolola Faransi jamana kan, bawo o seben kelen bera ke sababu ye k'a seginni nogoya Faransi n'a taara taama la jamana werew la.

Basiriki TURE

TULON

Nin desen fila dilanbaga y'a dab'a kama, ka fili 10 k'u la. A' y'olu nini.




Palan jukrada la.

1 - birlit kelen duguma kininte 2 - ci kumbaba min be deben kan kininte 3 - barama duguma 4 - berre minnu be degan kumban numante 5 - turuns jukrada 6 - taffye min be kininte 7 - kininte kaserdi konda 8 - tiyo min daleten don 9 - kafemih boli 10 - ja min be

Jaabiy

Farikolonenajelaw sara



ORONALIDO N° 9

Mogo caman hakili la ko ntolatannaw sara de ka ca ni farikolonenajela tóye, k'a sorat'o cogo la.

Lameriken bololantolatanna Mayikoli Jordani min si ye san 34 ye, o ka ekipu «Shikago Bulisi» be sefawari miliyari 20 d'o ma san o san.

O temennen ko, dije magobatigi minnu b'u ka feerefew mankutu n'a tógo ye, olu be sefawari miliyari 36 d'a ma.

Lameriken berelantolatanna Tigéri Wudi sara ye sefawarimiliyari 15 ni kó ye. Nka san 5 nataw kono,

magobatigw bëna u ka fen minnu mankutun'a tógo ye, obena ke sababu ye ka sefawari miliyari 50 lase a ma.

Mobili nögöndan kadara kono, aliman mobilibolila Mikayeli Shumareri sara ye sefawari miliyari 15 ye. Mankutuli minnu be ke n'a tógo ye, o be sefawari miliyari 6 don a kun.

Balontan be na ninnu bëe ko. An be don min na i ko bi, dije ntolatanna janaba min ye berezilika ORONALIDO ye, o sara ye sefawari miliyari 8 ye. Nk'a bôto Bariselonni ekipula Esipanijamana kanka yeléma Entéri-Milan ekipu la Itali jamana kan, a ye sefawari miliyari 7 sor'o la.

Funankénin balontanna 14 tora kurun kasaara la Nizeriya

Nizeriya woroduguyanfan ntolatan ton «R.F.C.» denmisén 14 tora ji la, k'o sababu ke ji donni y'u ka kurun kono, Wari baji kan.

A jirala ko denmisén ninnu ka ekipu mög 22 tun segintö don ka bo Alaja dugu kono, u tun taara balontan na yoromín. Utun be batonin min kono, o yamaruyalen don ka mög 12 dörön de ta.

Seere do y'a jira ko kasaara ju bora kelé de la kurunbolila ni denmisennin ninnu ni nögöncé batigesarako la. U ma ben o la min ke, kuruntigi k'a be segin n'u ye, o de labanna kasaara in na.

Denmisénw degebagwa Nelson ORONALIDO fana ni tora kurundafiri in na, a ketö ka funankéninw kisi.

Basiriki TURE

"AMAP" kuntigi
Gawusu DARABO

Mali kanw kunnatisebaw

baarada kuntig

Janze Samake

Kibaru

BP : 24 telenom : 22-21-04

Kibaru Budo : 22-21-04

Bamako - Mali

Djanbagaw ni sabenbagaw kuntig

Basiriki Ture

Sabenbagaw kuntig

Babaré Dukure

Lamboucés Kibaru gatella : 22-21-04

Bolen Hake : 16 000